

有秦駐藏日記

第十五冊

蘇子卿

PDG

有泰駐藏日記卷十五

八豐培 整理

光緒三十三年歲次丁未九月初一日午後武西崑來痛談以後
子孫學問竟不敢妄參末議實情可笑。抱出山格見之。徐松齡
來談亦令山格見之。本要照片告以鶴孫所存可以奉送。馬少
雲來談其天方教土國能由西藏至克什米爾轉通之頗為大
妙。都司馬佩璋為介堂軍門堂姪亦略談守備外委亦見均令
不必遠送。甲敬亭必欲遠送至蘆定橋再三攔之似不肯並云
近接番稟前叛游勇奔雲南現聚二三千人裹一處番民係唐
古忒所屬欲犯察木多情形甚危聞藏中已派糧員游擊防剿

然無兵無餉不知如何辦理。又張大臣行至印度南小地名爲洋人所短不知何故。以上確否未可知。（早雨午晴風涼）

初二日第六十五站辰刻由鑪城啟程東關由馬少雲協戎徐松齡照廳都司馬佩璋送行出城後千總胡國華把總曾國慶陳尚品送行至半路教習王治平佐步趕送行甚可感沿途秋景野花甚繁比去時少閏月故花草又一氣象行山腰河邊窄路關外看慣亦不覺大險廿里小神堂轎內茶尖又十里柳陽尖站武西崑送至此並備早麪面謝及敬辭沿路十里五里均有住戶店房背茶者絡繹而來亦有背米及雜貨有底須並小兒均負苦力川南人均屬強壯途中有一節被水冲挨山用破板凳架

之而過。非川轎夫不敢行。其路或土平或石砌。尚易行。卅里瓦司溝宿站。以關外計。似有八十里。晚飯仍西崑遣人來備。山格同住。甲木叅敬亭帶少少來。必欲明日送至鑪定橋。真誠樸之至。此瓦司溝比鑪城熱。路聞蟬聲。屋多蠅子。
(晴風)

初三日 第六十六站 卯刻發瓦司溝。出門即上山路。山不高。多石脚。順魚通河走山半窄路。即大愁山。多仙人掌並馬櫻花。下山過冷竹關。復上窄山路。二十五里到大烹壩早尖。等山格轎到。復行河邊路。山腰路。至山岡坪壩。轎內茶尖。係十五里。復行山中路。山腰路有熱險處。臨河廿里至鑪定橋宿站。在巡檢署。橋斷鎖三條。更覺難行。幸寶獻廷遣專走橋夫往迎。一切妥善。獻廷大

為預備、攔之不行、送山格物品、收鞋襪、會鶴孫申五敬亭、飯後

會獻廷、西藏教習

吳嘉謨
陳廣居

均係學生、吳嘉謨係戶部主事、巴塘

教習、均詢藏內及沿途情形、山格同住、

(晴)

初四日、早即催馬匹來應、冷積土司辦理、新為廓爾喀差所備
馬匹、為沈邊拉去不還、彼此負氣、竟正差不顧、且此次用馬十
數匹、並發私價、不用官、如訥大臣用至三百餘匹、彼亦無法也、
甲老三帶少少來看、午後申五鶴孫來、我獻廷談兩次、燈後馬
已齊、明日可行、(半陰晴)

初五日、第六十七站、辰刻發鑪定橋、走山水溝路、少寬處、甲敬亭衣冠
帶少少路旁送、遂順河邊窄路旋上山、半窄路行十五里、至大

壚周姓保正店房備茶尖中一桌一椅甚難看下輿略坐賞之
復行山半路見有柿子已黃結成滿樹未免有易州鄉景之思
且對河岸上無數田地房間亦甚多背山有两三處瀑布可入
畫稿惜漢夷雜處居之者未必知其樂也下山平處即冷積田
疇交錯有引水種稻者凡山上有土處皆開墾農工不惰行卅

里原來李保正名如桂號子丹世代耕讀

店房宿站伊先往迎並送土宜

花椒回給其佛尊藏香片子鐺鐺冷邊應襲土子固朝相十二歲

極精明

沈村土司余應璽

小時來見甚好此時似甚景氣

均來見送梨及落

花生賞之實獻廷來見特送至此早在伊署內嘗攔之必不肯
論世交稱余為太世叔不差也鶴孫過談曾買門外資紀食之

甚好。今日趕場之日也。山格同住。
（半陰晴）

初六日第六十八站辰刻發冷積。別賓獻廷出鎮。李如桂跪送上山窄路上。土子周朝相敬送。過大山路。即至佛耳巖。又名刮耳巖。路極窄險。去時用兩人扶持。道不過一尺餘。下臨大渡河。頗凜凜。仍落活石不止。今則道有四五尺。竟未落沙石。獻廷之功也。下山行石包平路一斷。忽有蟒袍補褂三品頂翎朝珠策馬而來。手提馬棒有酒杯粗。鑲以白銅。大似鴉片烟槍。大可笑。詢之。乃土司余應璽。行一小河獨木橋。遂下馬。用其土民背之。回差等人無不大笑。余亦不能不暗笑。蓋衣冠楚楚。未見如此辦法也。攔之不肯回。送至隆壩鋪敬頭而去。此處離冷積十里。是其交界。復

上山行山半窄路上坡多頗費力下山溝過澗水去時險路已
修平不意振勲過隆壩鋪後渡水馬倒衣帽皆濕且喝水西口危
極因令其晚飯飲燒酒復上山行廿五里梓林坪宿站見都司
魏建侯廷舉四川人今在店房其署已要坍塌山格同住鶴孫
申五過談閑踏至街到金花廟稱金花世王係明代賢臣能用
陰兵有崇將軍寶駱總督秉璋懸額待考（早微雨略晴）

初七日

第六十九站

卯刻發化林坪即走山腰魏都司等皆相送土司

汪國珍江西人三品頂昨日迎今日送行山中路離飛越嶺相近滿

道青樹野草山上紅色青色雜樹大有秋意登盤道曲折甚多

近以石砌寬五六尺比去時強多矣為千總蕭聯陞監工所修

行廿里至頂下轎關帝廟略歇上甚冷板房三間內奉關帝及諸葛子牌位無人住屋內甚濕蓋濕雲所致路中石塊亦然竟未能在廟行禮下山石路少陡遂行土路半山路均多野樹野草穿雲而下又行廿里三遺橋輿內茶火又五里林口下輿店中會調藏教習同知幹尊惠能鄆縣人略談又五里三角坪尖站復行山半窄路不似前半之高統過大小橋甚多廿里或云廿五里泥頭宿站仍來時店房山格同住會青溪存惺魚大令荊州正白滿人鈕鈺魯氏典史陳思泉腿仍不利任輯五秀才玉瑞已留鬚忽變窄袖衣服已入學堂晚飯後接李丹保正給田德信失去眼鏡在伊店房特遣人送還賞之（半陰晴）

初八日第七站卯刻發泥頭下山後走石板路甚平沿途田地極多房間亦不少一日如此上山腰路十五里山溪口轎內茶尖換衣服覺甚熱又卅里過一盤水上為牛糞溝多出花椒又五里富莊尖站店房內有一聯大可笑請君居戊己賜我以庚辛蓋隱土金二字復行山腰路尚不覺險信梨者多此處所產極好價廉因天熱之過在富莊即換袷衣身無棉尚須用扇行山上田間路大有秋意澗水沿右不甚旺廿里冷飯溝轎內茶尖上山過梁後下坡二三里即轉山灣下視青溪縣城田地交錯宛然內地風景下窄山路即起西風名不虛傳又十里上山進青溪縣南門李家店宿站乃新修者山格同住會存惺齋署都

司楊逢春、千總警察教習隊長等輯五晚飯時鶴孫過談、任輯五復來、欲同進省、辭之。
(晴風)

初九日 第七十一站、振勳半路落騎、將糖糕喫兩塊、以為上山登高之意、甚可笑、卯刻發青溪

縣、城內即上山、出城都司兵丁警察送行、兵丁等皆謝賞、上山數次至大相嶺廿四盤、過三大灣、道已亂、石墊安、非復去時氣象、十五里草鞋坪、相嶺驛館茶火、拜別存惺、至大令、即行雲霧中、濕雲路灑濕、又十里長老寨、陳雲菴火站、前殿供諸葛子、後殿供武聖、左釋迦、右達摩、對後殿供日月二星、復行石砌路、所謂九折坂、已加寬易走、沿路瀑布甚多、木橋皆堅固、有路新修、與去時不同、過小鐵鎖橋二、過大關山、小關山、沿路賣木梳

者甚多。名曰黃楊。其實雜木。即有小雨。隨下巖道。已微存水。又行廿五里。黃泥堡宿站。山格同住。仍去時店內。外委張承麟來。彭子周文瀚竟接到此。現補榮經縣。此地為青溪縣管。榮經借此辨差。晚間復約子周來談。燈後大雨。
(陰、大小雨)

初十日

第七十二站

卯刻發黃泥壩。石板路多尚易行。不過昨夜雨較滑。不遠過大穿廊。似房。一面寫忠臣叱馭。一面孝子回車。字不甚雅。然叱馭之九折坂。恐非此處。待攷。右邊河聲甚大。在山半路。或田邊路。均以石子砌成。俗呼為墊子路。路左有鍾文叔并恒大令重修大相嶺碑記。離榮經相近。河水在左。有渡船。對岸竹木甚多。竹子沿途有粗者。房間田地對岸亦不少。大有趣。過

額頊故里不知有本否行四十里至榮經縣城內店房宿站彭

子周見兩次余巡檢奉差來此名宗森號少崖為鶴孫共祖兄紀敬堂鉅湘

典史亦均來見晚飯後鶴孫來略談赴藏陸軍教練官譚明祥

等十人來見（丰陰少晴）

十一日第七十三站卯刻發榮經縣因昨夜雨道多泥濘且窄路鋪以圓

石俗呼為墊子路亦有窄土路兩旁皆稻田甚難行三四里至

梓潼宮新又小河渡船不遠即渡船正河又六七里妙岡崖渡

船過河三處均有綆以竹打成甚便去時過西河今添出新又

河一道過河即上山半路窄且滑又行十里至施家橋尖站彭

大令紀典史皆送此而別復行山半路或上或下均繞山而行

竹子有高大者有野白花似水仙不知名又十五里過飛龍

關下坡路多又十里至觀音堡宿站在店房內壽鴻同住會雅

安縣陳季黼大令

辰湖北人甲榜到省

人甚精練晚飯後鶴孫申五過

談今日所行乃是來時舊路又開一新路路有冲斷者不便行

十二日

第七十四站

卯刻發觀音堡路中石板墊子土路皆有然多稀泥

甚至存水處上浮青苔其多日雨可見過長廊橋數道稻田尚

未收割並有新種油菜田不知尚能結子否山間樹木草均有

不枯風景尚好無可記載將進城武侯祠文壇湖觀察緯武仙

航太守瀛陳季黼大令辰及閤城文武在此相候下與在內相

見略談行四十里即雅州府進城店房作公館宿站壽鴻同住

有泰西雜日言 卷五 七
武太守陳大令皆來會。人均有作為。晚飯後鶴孫來談。陰極小雨。到館忽見太陽。此不易也。

十三日。因發轎夫抬夫馬價。小住一日。此處有高笋。聞省城亦多。即是北方茭白。魚蝦皆有。惜作法不如省。更不如京。整日雨。或小或大。未住。真不愧雅雨之名。人覺悶氣難過。城內太平。網甚多。店院亦有。所以蚊子極大。晚飯後鶴孫申五過談。(陰雨)

十四日。第七十五站。卯刻發雅州府。出城。古景賢堂官廳。武仙航太守及各文武在此送行。下坡即渡船。過雅河對岸。過青衣水長廊橋。行石板路。墜子路。皆有泥水難行。十五里姚橋。陳季黼大令在此送行。下輿略談。仍係石板墜子路及土路。泥淖行十八里。

中過金鷄關。此名金鷄橋。

或謂龍頭橋。

名山李效堂大令。

士則甘省甲班。

來接。下與略談。為舊戶部寅友。任士言門生。人老成。又七里名
山縣書院。現改警察局。作公館宿站。山格同住。去時住此。四面
蟲聲。大有秋意。晚飯後。效堂便衣過談。旋送名山頂上茶八十
皮。名為正仙茶。趙興由省來。家內均好。 (早晴晚陰)

十五日第七十六站

卯刻發名山縣。昨夜雨。道甚泥淖。石板路少。整子

路多。均行田埂上。兩旁係稻地。滿水稻已收割。每見有樹林。即
有村落。外或有旱田。蠟樹不少。似榆葉。乃初見。昨日離山較遠。
今日更遠。山亦見矮。山上下皆成水旱田。農工尚勤。行四十里。
百丈宿站。山格同住。仍是去時店房。主人黃姓。七十七歲。甚結

實養花木極多，已不如去時茂盛，房屋亦破。巡防右軍都司馬致和來見，雲南人，亦知恭勤公兄，外委劉光榮故見，李效堂趕至此相送，未免不安。縣中公務甚多，力勸其回，談正仙茶乃漢朝仙人所種，已二千餘年，正樹一株，旁蔭數株，每株不過數十葉，進貢三百餘葉，一葉為泡茶一次，其貴如此。園以石牆平日不開，惟本縣祭後開門採茶一次，牆外蒙山茶甚多，均非正仙。攷據惟此茶葉上細筋對出，別樹不能也。旁有仙井，用石板蓋之，開則本縣必有凶事，并有廟宇，住兩三僧，時聞牆內有虎嘯，係石洞居之，採茶後不聞聲矣。俗傳揚子江心水，蒙山頂上茶，即此。在縣城西南，別山高，聞藏內余鍾麟吞煙斃命，亦可憐矣。晚飯後